

ԳԻՏԱԿԱՆ ԻՆՖՈՐՄԱՅԻԱ НАУЧНАЯ ИНФОРМАЦИЯ

ԿՈՄԻՏԱՍԻ ԱՆՎԱՆ ԿՈՆՍԵՐՎԱՏՈՐԻԱՅԻ ԺՈՂՈՎՐԴԱԿԱՆ ԵՐԱԺՇՏԱԿԱՆ ՍՏԵՂԾԱԴՈՐՈՒԹՅԱՆ ԿԱՔԻՆԵՏԸ

1969 թ. հոկտեմբերի 1-ին, Կոմիտասի ծննդյան 100-ամյակի կապակցությամբ կոնսերվատորիայի գիտական խորհուրդը որոշեց կոնսերվատորիայում ստեղծել ժողովրդական երաժշտական ստեղծագործության կաբինետ, որը պետք է կազմակերպեր ժողովրդական երաժշտության նմուշների հավաքման գիտարշավներ, նոտագրեր հավաքած նյութը, ձեռնարկեր ժողովրդական երգերի ու գործիքային մեղեդիների հրատարակման գործը, ղեկավարեր ուսանողների գիտական աշխատանքները ժողովրդական երաժշտության ուսումնասիրման բնագավառում, ստեղծագործական կապեր հաստատել միութենական կոնսերվատորիաների համապատասխան կաբինետների ու ամբիոնների հետ և այլն:

Առ այսօր կաբինետը կազմակերպել է 19 գիտարշավ դեպի հանրապետության տարբեր շրջանները (Թալին, Մեղրի, Սպիտակ, Եղեգնաձոր), դուրս է եկել նրա սահմաններից (Նախիջևան, Ադլերի և Մեծ Սոչիի շրջաններում ապրող համընդհանուր համայնք, Կիրովաբադ, Ախալցխա): Զայնագրությունների ֆոնդն արդեն հասնում է շուրջ 4300-ի, որի մեկ երրորդը նոտագրված է: Արշավների ընթացքում ձեռք բերված երաժշտական գործիքների, հայկական տարադի ու կենցաղային այլևայլ իրերի նմուշները կազմում են կաբինետում գործող մշտական ցուցահանդեսի բովանդակությունը՝ ստեղծելով դասավանդման պրոցեսին նպաստող ֆուկլորային համապատասխան մթնոլորտ:

Կաբինետը նախապատրաստել է դասընթացներ. մասնագիտականը (աշայ ժողովրդական երաժշտական ստեղծագործություն)՝ կարգացվում է երաժշտագիտական, կոմպոզիտորական ու խմբավարական, իսկ ընդհանուրը (աֆոկլոր)՝ կատարողական բաժիններում: Մասնագիտական դասընթացը ղուգահեռաբար համալրվում է աշայկական ձայնագրության նոր (լիմոնջյա-

նի) սիստեմի» ուսումնասիրման, ինչպես նաև ժողովրդական երգերի ու գործիքային մեղեդիների նոտագրության անհատական պարապմունքներով:

Ժողովրդական երաժշտության բնագավառից վերցված թեմաներ լուսաբանող հաղորդումներով մեր ուսանողները (հիմնականում գիտական ընկերության գծով) հանդես են եկել Մինսկում, Տաշքենդում, Աստրախանում, Թբիլիսիում և այլուր: Կաբինետը ստեղծագործական կապեր է հաստատել Մովսեսիանի Միության բաղմաթիվ բուհերի հետ:

Կաբինետի ստեղծման 10-ամյակի կապակցությամբ մայիսի 6—7-ը կոնսերվատորիան անցկացրեց գիտական նստաշրջան՝ երեք նիստով:

Հայ ազգային երաժշտությունն ամբողջությամբ վերցրած պատմական զարգացման տարրեր ժամանակահատվածներում սերել է ժողովրդական երգից: Անմիջականորեն թե միջնորդավորված, այս արմատի հետ են կապված մեր ազգային ժողովրդապրոֆեսիոնալ երաժշտության բոլոր նյութերը և կոմպոզիտորական ստեղծագործությունը: Ժողովրդական երաժշտության գոյատևմամբ, փաստորեն, կոմպոզիտորական ստեղծագործությունը ստանում է նրա տարրեր շերտերին պարբերաբար դիմելու հնարավորություն, ժողովրդի արվեստը ստեղծագործորեն սեփականելու միջոցով պահպանում է ազգային նկարագիրը, ռեալիստական ուղղվածությունը:

Կաբինետը կոնսերվատորիայի կարևոր օղակներից մեկն է, որի բոլոր աշխատանքները հետամուտ են հարադատ բնաշխարհին, ժողովրդի արվեստին, նրա կյանքին ու կենցաղին, պատմությանը, աշխարհայացքին ու հոգեբանությանը, լեզվին ու մտածողությանը ուսանողին հաղորդակից դարձնելու, նրա մեջ մայրենին խո-

րապես ընկալելու ունակություն դաստիարակելու գործին:

Աշխատանքի յուրաքանչյուր բնագավառ, որ այսօր արդեն ղեկավարվում է փորձառու մանկավարժների կողմից, ունի իր նպատակը, խնդիրներն ու դժվարությունները:

Կարծեստում տարվող աշխատանքների հիմքերի հիմքը ժողովրդական երգերի հավաքումն է: Այս աշխատանքով ղեկավարվել և ղեկավարվում են կարծեստի համարյա բոլոր աշխատակիցները:

Ժողովրդական երգերը հավաքվում են նրանց հետ կապված ազգագրական ու պատմական տվյալներով, երգի հորինման, տեղի ու ժամանակի, ստեղծողի կամ երգի բովանդակության մասին երգասացի հայտնած տեղեկություններով: Դրանք արժեքավոր են երգի կենցաղավարման կենդանի պատմությունը ստեղծելու, ֆոլկլորի գոյության սոցիալական արմատները բացահայտելու, որևէ երգ մեկնաբանելու և այն ճիշտ հասկանալու գործում: Արժեքավոր են նաև գրառողի անձնական տպավորությունների ու դիտողությունների արձանագրությունները: Դրանք կարող են պատկերել հավաքողի ստեղծագործական նկարագիրը, ներկայացնել նրա վերաբերմունքը նյութի նկատմամբ, նրա հավաքչական աշխատանքի մեթոդը:

Այսօր բանահավաքների ու բանասերների շրջանում գերապատվությունը տրվում է հավաքչական կոմպլեքս մեթոդին, երբ նմուշը գրառելիս միավորվում են տարբեր մասնագետների ստեղծագործական ուժերը, ժամանակի խնայողությամբ և մասնագիտական մակարդակով գրի են առնվում միաժամանակ երգն ու պարը, խոսքն ու ազգագրության հետ կապված տվյալներ:

Տարիների հավաքչական փորձը հաստատում է միևնույն շրջանը պարբերաբար այցելելու անհրաժեշտությունը: Յոթ օրում (մեր արշավների ամենատևական ժամկետը, բացառությամբ ամառվա ամիսների) շրջանը սպառել, նրա խորքերը թափանցել հնարավոր չէ: Նման պայմաններում գրի է առնվում այն ամենը, ինչ մակերեսում է. թերևս, տարված աշխատանքը կարելի է համարել յուրատեսակ հետախուզական աշխատանք: Բայց ոչ միայն դա. կարելի է, որ որևէ շրջան ժամանակի ընթացքում արդեն գրի առնվածի կողքին տրամադրում է մեզ երգերի նոր փոփոխակներ, բոլորովին նոր երգեր: Դրանց հրապարակ գալու հիմքերը տարբեր են՝ հասարակական կյանքի տեղաշարժեր, գիտարշավի բարեբար հետևանք, նոր նմուշի հայտնաբերում և այլն: Երբեմնի

19 Հանդես, № 4

երիտասարդ սերունդը, որ այսօր արդեն միջին ու տարեցների սերունդ է դարձել, երգում է այն ամենը, ինչ չէր երգում կամ անհամար էր ղգում երգել առաջնորդում: Նրա ժողովրդագրագետ-ֆոլկլորագետ Բ. Ռ. Ռաբինովիչը այդ երևույթը բացատրում է այսպես. երիտասարդները ավանդական երգեր չեն երգում ոչ մոդայիկ երեալու վախից, անվստահության այն ղգացողություներից, որ ծնվում է նրանց մոտ գյուղական վարպետ կատարողների ներկայությամբ, վերջապես, հոգեկան ու կենսական այն որոշակի հասունության անհրաժեշտությունից, որը պետք է հնագույն քնարական մի երգ ընկալելու և կատարելու համար:

Որևէ շրջան կատարած կրկնակի այցելությունը օգնում է մոռացված նմուշների վերհիշմանը, տարբերակների հայտնաբերմանը, որոնք կարող են լինել ավելի հավաստի կամ գեղարվեստական արժանիքներով առավել բարձր:

Կարծեստի գործունեության կարևորագույն ուղորտն են կազմում գրի առնված նյութը ժողովրդին վերադարձնելու՝ ժողովրդական երգերի ժողովածուներ կազմելու և հրատարակելու ուղղությամբ տարվող աշխատանքները: Կարծեստը հրատարակության է պատրաստում գիտական բնույթի ժողովածուներ, որոնցում կատարվում է նյութի խիստ ընտրություն՝ բացառելով կազմողի միջամտությունները. ծանոթագրությունների բաժնում տրվում են՝ նմուշների ժանրային և լեզվական-կոմպոզիցիոն կողմին վերաբերող բնութագրումներ (հաճախ ցանկերի ու ցուցակների օգնությամբ), տվյալներ երգի կենցաղավարման ձևերի մասին, բերվում են տարբերակներ, փորձ է արվում բացահայտել լեզվակերպարային առանձնահատկությունների հիմքերը: Ժողովածուի բովանդակության ընձեռած հնարավորություններից ելնելով կազմվում են բառարաններ, այլեայլ քարտեզներ, բերվում են կենսագրական տվյալներ երգասացների մասին:

Կարծեստում տարվող գիտական աշխատանքների մեջ կարևոր տեղ է գրավում էլեկտրոնային հաշվիչ մեքենայի օգնությամբ ժողովրդական երգի «գրադարանի» ստեղծումը: Այդ բանի համար մշակված է ինֆորմացիոն-փնտրողական-վերլուծական բնույթի մի սխեմա, որը բուհի աշխատանքներում ժամանակակից տեխնիկայի ներդրման օրվա պահանջի արձագանքն է: Այդ աշխատանքի մասին Ի. Դ. Լևինը, որի սխեմանով այժմ աշխատում են ՀՍՍՀ ԳԱ ազգագրության ինստիտուտում, գրել է. «Ваш путь и технология обработки данных представляются мне вполне реализуемыми. Подача информации на ЭВМ в принципе разумна».

Կիևի կոնսերվատորիայի աշագ ղասախոս Ի. Պյասկովսկին իր մասնագիտական վերաորակավորումը կարիներում անցնելուց և Կիև վերադառնալուց հետո մեր աշխատանքների բարերար ազդեցության ներքո Կիևի կոնսերվատորիայում մի ամբողջ դասընթաց է նվիրել երաժշտագիտության մեջ ճշգրիտ գիտությունների մեթոդիկայի ուսումնասիրմանը:

Ազգային բնագավառում իրենց մասնագիտական որակավորման բարձրացումը կարիներում են անցկացրել նաև սփյուռքահայ մի շարք ուսանողներ:

Կարիները զբաղվում է նաև ժողովրդական երաժշտության պրոպագանդայի հարցերով: Արշավների ընթացքում հայտնաբերված մեր յավագույն երգասացներն ու կատարողները հանդես են եկել «Անդրկովկասյան գարուն» փառատոնում (Թբիլիսի, 1975), ՍՍՀՄ կոմպոզիտորների միության համամիութենական ֆուկլորային հանձնաժողովի կողմից ամեն տարի կազմակերպվող հաշվետու-էքսպեդիցիոն սեսիաներում (Մոսկվա, 1975, 1976, 1977 թթ.), Հայաստանի կոմպոզիտորների միության պլենումում՝ նվիրված ժողովրդական երաժշտությանը (Երևան, 1973), Այմա Աթայում տեղի ունեցած «Трибуна Азии» միջազգային կոնգրեսում (1974), ՅՈՒՆԵՍԿՕ-ին կից միջազգային երաժշտական խորհրդի սեսիայում (Մոսկվա, 1971), 1978 թ. Սամարղանդում տեղի ունեցած միջազգային սիմպոզիումում՝ նվիրված մուղամաթի պրոբլեմներին և այլն:

Մեծ չափերով ունեցավ նաև 1974 թ. փետրվարի 4-ի հեռուստատեսային հաղորդումը՝ նվիրված կարիների գործունեությանը: Այն վերնագրված էր՝ «Կոմիտասի հետքերով»: Փաստորեն այդ հաղորդումը յուրովի խթանեց ժողովրդական երաժշտության՝ եթերով տարվող պրոպագանդայի ակտիվացմանը: Հեռուստատեսային հաղորդումների խմբագրության ստացած բազմաթիվ նամակներից քաղվածաբար բերենք մեկ-երկուսը միայն.

«Շատ ժողովրդական էր, հուզիչ, բնիկ հայկական՝ առանց աղավաղումների»:

«Այս հաղորդմամբ մեր հեռուստատեսությունը մի իսկական հոգեպարար, հաճելի բավականություն պատճառեց շատերիս: Վերջապես սկսվեց երկար սպասվածը: Երբ ձեռք է սկսված, միայն հարկավոր է հետևողականություն և դժվարություն հաղթահարելու կամք: Ժողովրդական գոհար ստեղծագործություններով անշափ հարուստ մեր ժողովուրդը ձեզանից սպասում է վերադարձնել իրեն թեկուզ նվազագույնն այն ամենի, ինչ նա ստեղծել է տասնամյակներ և դարեր շարունակ»:

Հաղորդումը հետաքրքրություն առաջացրեց դեպի մեր գործը նաև ժողովրդական կատարողների մոտ: Շուրջ 20 հոգի հաղորդման հաջորդ օրերին ներկայացան կարիներ՝ ձայնագրվելու (Ի. Կարապետյան, Ա. Թումանյան, Կ. Քաչունի, Վ. Ասլանյան և ուրիշներ):

Կարիներն ունի հարուստ գրադարան, որից օգտվում են ինչպես ուսանողներն ու ղասախոսները, այնպես էլ օտար մասնագետները, որոնցից ոմանք իրենց խոսքն են թողել կարիների կարծիքների վրա: Մոսկվայի կոնսերվատորիայի երաժշտության տեսության ամբիոնի վարիչ, դոկտոր, պրոֆեսոր Ե. Վ. Նազարյանսկին գրել է. «Кабинет народного творчества Ереванской консерватории, его руководитель и сотрудники—замечательный остров подлинно музыкального и прогрессивного подхода к изучению того удивительного, святого, прекрасного и жизненно многообразного, что есть в армянской музыкальной культуре, отражающей в своей сфере все богатства истории армянского народа, его жизни, обычаев, его удивительных географических трансформаций, его богатую и красочную природу и прежде всего душу—то неуловимое, чему можно удивляться, чем можно восторгаться и что следует бережно хранить, развивать»:

Հիշատակելի է նաև Բեռլինի համալսարանի երաժշտագիտության բաժնի դոկտոր, պրոֆեսոր Յուրգեն էյսենբրիի կարծիքը. «Աշխարհի եռաժրտական մշակույթը լիարժեք չէր լինի, եթե նրանում իր տեղը զբաղեցնում չլիներ Հայաստանը: Երաժշտության զարգացման պատմության մեջ Հայաստանը այն օղակն է, որն ունի իր կարեւորագույն օրինաչափությունները, դրանց ուշագրավ արտահայտությունը և սեփական դինամիկան: Կարիներում ժողովրդապրոֆեսիոնալ գործիչային ավանդական հարուստ երաժշտության պատմական նշաններից ստացված տպավորությունները շափաղանց մեծ են: Հուսով եմ, որ ես կպահանամ այդ երաժշտության յուրաքանչյուրը»:

Կարիների կազմը առայժմ մեծ չէ, սակայն կարևորն այն է, որ աշխատանքը խարսխված է անձնավորության ու ազգային մշակույթի պարզացման նկատմամբ ցուցաբերվող սրտացավության վրա: Չենք տարակոստ մ. որ ասլապայում այս փոքրիկ օջախը կհամարվի երիտասարդ, շնորհալի նոր մասնագետներով և կրկնապատկված ուժերով կշարունակի իր բնղմնավոր և հանրօգուտ գործը:

Արվեստագիտ. թեկնածու Մ. Ա. ԲՐՈՒՏՅԱՆ